



Progetu finantziatu cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018

FESTAS E MANIFESTATZIONIS

RELIGIOSAS

Festa de S.Sidoru

Santu Sidoru est su santu spagnolu patronu de is massajus invocau cun sa punna de favoressi una arregorta bona e stesiai su perigulu de is caristias. Sa paristòria contat chi Sidoru fiat nàscidu e iat bividu in Madrid in su sèculu su de XII innui traballàt is terras pròpias. De issu si fiant difùndius contus medas apitzus de acuntessimentus miraculosus comenti a sa multiprica de su trigu regortu e s'aringiu de is terrinus acumpriu de àngelus chi traballànt in parti de issu. Fiat stètiu canonizau in su 1622 de Gregòriu su de XV e cun su tempus sa nomenada sua fiat arribbada a totu s'Europa, innui est venerau fintzas a oi.

Sa festa de Santu Sidoru est apariciada de su comitau chi pigat su nòmini de su Santu, cun s'amparu de su Comune de Serramanna e de sa Provìntzia de su Campidanu de Mesu, e pertocat prus de 20 grupus de Traccas, prus o mancu cinquanta caddedis e parìcius grupus folk chi acumpàngiant su Santu in professoni, tragau de duus bois mannus, pototu is bias de sa bidida.

Festa de S.Leonardu

Est sa festa dedicada a su Santu Patronu de Serramanna. Sa paristòria contat chi Santu Leonardu fiat nàsciu in Gàllia asuta de s'imperu de orienti de Atanàsio. Clodoveo I, Rei de is Francus, de pagu si fiat cunvèrtiu a su catolitzèsimu fiat stètiu pardinu suu de batiàriu. Leonardu, candu fiat devènniu mannu, iat bòfiu sighiri is arrastus de Santu Remìgio, autori de sa cunversioni de su matessi Clodoveo I de custu iat otentu sa possibilidadi de liberai totu is presoneris atobiaus me in su caminu. Leonardu duncas iat cumentzau a tenni

nomenada po is òperas pròpias e si contat ca chi is presoneris dd'invocànt bidiant trunchendi-sì po miràculu is cadenas pròpias.

De su 2010, a pustis de prus o mancu 22 annus de ausèntzia, Serramanna festat su patronu pròpiu in sa Pratzza de su Pòpulu acanta de sa Parròchia. Po s'ocasioni funt cumbidadas a sa populatzioni is mustras artisticas de is chi bivint in Serramanna, esibitzionis musicalis de grupus localis e spetàculus teatralis e de spàssiu.

Festa de S.Maria

Is festas in onori de sa Santa s'acumprint in s'interis de sa prima cida de Cabudanni, candu sa stàtua de sa Madonna lassat sa crèsia de Santu Lenardu po torrai, po unu pagu de tempus, in sa domu sua de origini in mesu de su sartu serramannesu. Sa populatzioni de Serramanna est in manera piessigna acapiada a custa traditzioni, est bècia prus de 500 annus tantu est chi, fintzas in su periodu candu custa traditzioni fiat stètia remplasada de su cultu de sa vèrgini "Morenita" (de orìgini spagnola), nd'iat allogau s'arragordu fintzas a recuperai tempus a pustis s'atressada de su riu Mannu de sa Santa apitzus de unu carru tragau de bois.

Totus is afestamentus, fora chi cussus acapiaus a is funtzionis religiosas, funt cuntzentraus a ingèriu de su santuariu de sa Madonna e durant po 3/4 diris.

Festa de S.Nàssiu

Est sa festa in onori de su Santu de Làconi, in nòmini suu est stètia pesada sa crèsia, in antis intre totus is àteras, a Serramanna in su 1971. Is festas in onori de su Santu sardu acuntessint in sa pratzza e me in is spàtzius lacanàrgius a sa parròchia intraverendi ritus religiosus cun ritus tzivilis chi proponint a manera clàssica esibitzionis musicalis e teatralis.

Professoni de su 1° de Maju

Est sa professoni traditzionali in onori de sa Biada Virgini Maria, chi andat de sa Basilica de Santu Leunardu a sa Crèsia de sartu de Santa Maria in una diri sceti. De su 2010, torrendi a pigai una traditzioni interrùmpida in su 1990 e cumentzada me in is annus '50 po voluntadi de su satzerdoti de intzandus Don Orrù, sa professoni s'acumprit cun su carru carateristicu de angioleddos e pagixeddus chi acumpàngiant sa stàtua de sa Madonna. Su carru longu prus o mancu cincu metrus est de su totu illuminau e decorau cun froris e drapus coloraus. A su tzentru est posta, apitzus una trona aorada, sa stàtua de linna de sa Santa. Totu a ingèriu otu àngelus bistius de colori grogu, biancu, asulu e arrosa ingiriant sa Santa sètzius

apitzus nuis coloradas. A dd'amparai me is ladus, postus in nitzas fissadas a su carru, otu pagixeddus de colori asulu chi bistint unu capeddu cun una pinna bianca.

TZIVILIS/SOTZIALIS

F.R.A.D.E.S.

F.R.A.D.E.S. est acrònimu de Fratellàntzia, Amentu, Amigàntzia, Divulgartzoni, Annestru, Solidariedadi: custus funt is printzìpius ca pertocant s'assòtziu costituiu in su 2004 cun sa punna de arragordai, po mèdiu de una manifestatzioni cun cadèntzia annuali, is picocus de Serramanna scumpartus innantis de s'ora. Custu arragordu est fatu, a su sòlitu, po mèdiu de fainas culturalis, de spetàculu e de agregatzioni sotziali. Sa manifestatzioni tenit una durada giai de 3/4 diris e oferit a s'internu suu atòbius meda po fai a pentzai e cumpartziri is bideas. Is punnas declaradas de sa manifestatzioni funt: onorai s'arragordu de is amigus scumpartus, offerri unu momentu de atòbiu e po fai pentzai a totu is giòvunus de Serramanna e pinnigai, in un'ùnica manifestatzioni, totu is Assòtzius de sa comunidadi nostra.

Passillada de s'acabu de s'istadi

Manifestatzioni nàscida in su 2010 po òpera de su Tzentru Cumertziali Naturali omònimu chi est un'assòtziu de cumertziantis, artisanus e fornidoris de servìtzius chi traballant in su coru de sa bidda. Po s'ocasioni sa bia printzipali de sa bidda, bia Roma, est serrada a sa passada de is veturas e devenit un'ùnica bia innui si caminat e innoi si podint agatai is butegas chi innoi traballant abertas finas a su noti e in custa bia faint intratenni me in is bixinaus sa genti e cumbidant a su bisitadori spetàculus de mùsica, teatralis, artisticus o prus in manera simpri eno-gastronòmicus. S'editzioni de su 2012 non s'est tenta po mori de motivus econòmicus.

Sàgiu Banda Musicali “Giuseppe Verdi”

In ocasioni de s'acabu de s'annu scolàsticu de is cursistas de mùsica, s'assòtziu “Giuseppe Verdi” de Serramanna apariciat unu sàgiu de acabu de annu cun is alunnus de is cursus diferentis chi s'amostant acanta de su “Mattatoio” bèciu de bia Parròchia. A s'acabu de custas esibitzionis est sa matessi banda musicali de Serramanna a s'amostai cun unas cantus sonadas chi ant a delissiai su pùblicu presenti lòmpiu po s'ocasioni.

Festa de sa Famìlia

Apariciada de s'Assòtziu de is babbus e de is mamas “Cresci in paris” cun s'agiudu de is assòtzius culturalis e de voluntariau de Serramanna, sa Festa arraspundit a su bisòngiu de

is famìlias de tenni logus e ocasionis de arrecreu, sena si dèpiri apentzamentai de sa seguresa de is pipius e de is spesas chi, giai sèmpiri, est netzessàriu a sustentai po partetzipai a is fainas. Sa festa proponit laboratòrius didàticus, spetàculus, tastaduras de cosa de papai intre su “Mattatoio” bèciu e sa pratza de sa Crèsia de su campu de S.Maria.

SPORTIVAS

Trumfeu Atlètica Serramanna

Est una manifestatzioni internatzionali de su curri-curri in sa ia chi in su 2011 est lòm pia a su primau de sa de 30 editzionis. Est apariciada de sa Polisportiva Atlètica Serramanna e cumbidat, in totu su meri de s'acumprimentu suu, garas diferentis po is distàntzias diferentis po dònna categoria in giogu. Su percursu est fatu po passai me in totus is bias tzentralis de sa bidda chi po s'ocasioni abarrant serradas a su tràbicu de is veturas e benint de su totu invàdias de is spetadoris e de is numerosus partetzipantis chi lompint a Serramanna de totu s'isula. Medas funt is stràngius connotus a livellu internatzionali e natzionali (Alessandro Lambruschini apitzus de totus) chi ant portau su livellu de sa manifestatzioni a cumpeti cun is prus famadas de s'isula. S'editzioni de su 2012 non s'est tenta po mori de motivus econòmicus.

Sa Pazzieggiata

Organizada custa puru de sa Polisportiva Atlètica Serramanna est una passillada me in is bias e is sartus de Serramanna promòvida po sa crèschida de sa faina fisica contra is maladies “metabòlicas”, est a nai contumàtzia, obesidadi, diabeta e maladies de su coru. Sa partèntzia est posta in sa Pratza de su Pòpulu e sa manifestatzioni si serrat in sa pratza de sa crèsia de su campu de S.Maria cun su pràngiu traditzionali aprontau de is sòtzius de s'assòtziu.

Torneu de Paschixedda de “Basket”

Manifestatzioni organizada de sa setzioni “basket” de sa Polisportiva Atlètica Serramanna chi cunsistit in una duas diris de giogu totali de partidas in dònna categoria de “pallacanestro” (Sorigàrgia, Mùvaras, Under 13, 14, 17, Promotzioni). Cun s'ocasioni su palatzetu de Bia Svètzia si prenit de su mangianu a su meri de spetadoris amantiosus.

Apedalada Ecològica

Apariciada a cumentzai de su 2009 (data de sa nàschida torra de su Setori Tziclismu) de s'A.S.D. Gialeto est un'apedalada (oramai lòm pida a sa de 4 editzioni, una avatu de s'àtera),

cun partèntzia de sa Bia XXV Aprile (a faci de sa Pinneta) cun sa punna de cresci sa sensibilidadi de sa populatzioni de sa bidda a s'impreu de sa bitzicleta comenti a mesu po si movi e a sa pràtica de sa faina sportiva. Sa manifestatzioni tenit sa collaboratzioni de Avis, Croce Verde, Assòtziu CIF, Assòtziu Culturali Su Stentu, Assòtziu Anni de Argento, su Cumandu de sa Politzia Munitzipali e de is Carabineris de Serramanna e su Patrotzìniu de su Comunu de Serramanna.